

جريدة حكاية

جمعه ايرتسى

نومرو	ربع الاخر	سنه	كانون ثانى	سنه	صحيفه
۳۳۴	۲۴	۱۳۰۳	۱۸	۱۳۰۱	۳۲۶۳

اشبو غزته بهر هفته جمعه ايرتسى كونلى چيقار سنه لى در سعادت ايچون مجيديه
 يكرمى غروش حساييله التمش غروشدر طشره لر ايچون اون بش غروش پوسته اجرتى ضم اولنور بهر
 نسخه سى ينه مجيديه يكرمى غروش اولمق اوزره يوزپاره به هر يرده صاتيلور درج اولنه جق اعلانك
 هر برندن بر مجيديه اخذ اولنور سنه لکنه مشرى اولمق استيانلر عدليه نظارتى دائره سنده كاش
 جریده محاکم اداره سنه مراجعت ايليدر

قسم غير مى

« قطاع طر يعلق و تفرعات اساسية مهمه سندن مابعد »

ايکنجى فقره فقط بوجنايتده سابقه لو وشقاوت
 مستمره اصحابندن اولنلرو يا خود طو تدقلى اشخاصه
 اشکنجه وغدارانه صورتله اذيت ايدنلر و يا قطع
 طريق يولنده آدم اولدبرمش بولنانلرک اعدامنه
 حکم اولنور اشبو فقره نك برنجى جله سنده
 سابقه تعبیرى کورلدیكى کبی سکزنجی ماده ده
 دخی مکرر لفظنه تصادف ایدیلور که سابقه و تکررک
 نه یولده اوله بيله جکنى بحق معرف ایضاحات قانونیه

اولدیغی جهتله بو بابده استطلاع حقایق ایچون
 حدیقه کالاتده شهر تشیاع اولان مفسر لک مطالعانه
 مراجعت ایدلر کده تکررک شرائط آیه نك وجوديله
 مقید ایدوکی اکلاشیلور شرائط مذکور اول
 حکم اول محاکم نظامیه دن صادر اولمش اولمق
 زیرا دیوان حرب و محاکم اجنبیه طرفندن و یریلان
 حکم محکمه لرحه در دست رؤیت اولان جرم
 ثانى به نسبت طوتيله ماز ثانیاً حکم واقع لای تغییر
 حالنى کسب ایتش اولمق ثالثاً شخص مظنون
 اصول محاکمات جزاییه قانون موقتنک فصل مخصوصی
 اقتضاسنجه برنجی جرمندن طولایى اعاده حقوق
 ممنوعه ایتماش اولمق رابعاً برنجی جرمک حین
 ایقاعنده مراهق غیر میز حالنده بولنماش اولمق
 خامساً بعض قواننک الحای جزای تکرر ایچون وضع
 ایلدیکی مدت مرور ایتماش اولمق مثلاً معاملات

صیدیه متفرع جرائمه بر سنه و علامت فارقه به متعلق خصوصاً بش سنه مرورندن صکره وقوعبولان جرمه تکرر دنیله ماز سادساً جرم اول ایله جرم ثانی بیننده نسبت عادلله اولوق بونده جزایون مختلفدر برطاقی تکرره اساس طوتیله جق اولان جرم قنغی نوع جرائمندن ایسه ایکنجی دخی طبقی مثلاً برنجیسی سرقت جبریله و یا طولاندیر یجیلیق و یا اخذک ایسه دیکری دخی بونوع اولمی فکرنده و برطاقی علی الاطلاق جنایتدن صکره جنایت و جنحه و قباححت جنحه دن صکره یالکز جنحه و قباححتدن صکره یالکز قباححت اولمی افکارنده ایسه لرده اتیده کی نقطه ده یعنی ایکی قات جزا مجرم لک اولجه کورمش اولدق لری جزانک ایکی قاتی دکل انجق ایکنجی جرم حد ذاتده تقدیر جزایی مستلزم ایسنه انک ایکی قاتی ترتیب اولنق جهتنده هر ایکی طرفی متقدر سابقه به کلنجه تکرردن بشقه دنیلسه جائزدر ز برا هر ایکیسی کلمه مترادفه حکمنده اولسه واضع قانون سکرنجی ماده مکرر واشو ذیلده بوجنایتده سابقه لی دیمز ایدی سابقه افکار ماجزانه بجه اختیار عارشناعت ایدن مضر لک بونوع جرم لری غیابلرنده تعمیق و هیئت اتهامیه جه تدقیق و محکمه حه تحقیق اولنهرق موقت و یا مؤبد کورک جزاسیله محکوم ایدلدک لری حالده معاملات غیایه باش مدعی عمومی لک نفعا للقانون اعتراضندن بشقه برسبیله محکمه تمیزده نقض و تصدیق اولنهمیه جغی جهتنله شخص محکومک دردستنه قدر عتقا حکمنده قالان علامات ایله تحت حکمه انمش اولان

اکلاشیلور

« و یا قطع طریق بولنده آدم اولدیرمش بولنانلر » بالاده بیان اولندیغی وجهله تلف نفسک انواعی مختلف جزاسی متفاوت و فاعلار ینک اسامیسی بیله متنوع اولدیغی حالده بوراده تعبیرات مخصوصه سندن هیچ بر یسنک یاد اولنهمیه ر ق آدم اولدیرمش بولنانلر لفظنک استعمالی خصوصنده کی علت وضعیه تفتیش ایدیلور ایسه لفظ مذکورک تعمداً قتل و تهوراً جرح و ضربله تلف نفس حاله رینی جامع اولدیغی کی مقابله و خطاً اتلاف نفسی دخی شامل ایدو کی حاصلی قطاع طریق دست بی امانته دوشو بده خوف ورنجش یوزندن نالان و کریان اولان بیچارگانیه هر نه صورتله اولور ایسه اولسون خنچر جان آزار و یا پنجه جانکذارینه قریبان ایتش ایسه آدم اولدیرمش اوله جغی معناسی استنتاج اولنور فقط کرک بویله جه آدم اولدیرمش و کرک بوجه بالا اشکنجه و غدارانه اذیت ایدلمش اولدیغی حالده بلا تفریق کافه سنک اعدامنه حکم ایدلمک خارق العاده مغایر قانوندر ز برا واضع قانون مقدمه ایله قطاع طریقغی توصیف ورنجی فقره ایله بولنرک درجه مجازاتی تحدید و تعریف ایتدکدن صکره فقط ایچلرنده تعبیرونک استعمالیه یالکز بوجنایتده سابقه لی و شقاوت مستمره اصحابندن اولنلری وینه بالفعل اشکنجه و غدارانه اذیت ایدنلری ونهایت بالنفس آدم اولدیرمش بولنانلری جزای اعدام ایله ترهیب ایلشدر حتی یوز یتش دردنجی ماده نک ایکنجی فقره سی خاتمه سنده اتلاف نفس ایدن شخص « دیه تخصیص ایدلمش اولمی دخی بواساسی مؤیددر شو حالده بالفعل

آدم اولدیره نك اعدامنه حکم ایدیلوبده بوکا طولاییدن و یا طوغریدن معاوتنده بولنش اولنرک برائت ذمت و یا عدم مسؤلیتلرینه می کیدلمک لازم کله جکی بولنده برسؤال مقدره به دخی جواب اعطاسننه مجبوریت کورلشدر بویله اشخاص متعدده اراسنده وقوعبولان قتل و تلف نفس فعل مقدوحنک فاعل مستقلنک اظهاریله برابر اجرای جرم اثناسنده حاضر بولنانلرک و یا خارجدن سائر کسانک معین و یا شریک تهمت و یا بری الذمه اولوب اولدق لری نك استظهارینه علی التقادیر چاشتملی بناء علیه فاعل مستقل بولنهمدی دیه کافه سنه بردن قاتل و یا جارح و یا ضارب و یا معین قاتل و شریک دینلاملیدر شو صورتله فاعل مستقل و شریک تهمت و معین یکدیگرندن تفریق ایدلدکده فاعل مستقل و شریک تهمت اولنرک بای حال اعداملرینه و ایچلرنده معینلر دخی و ارایسه یوز یتش بشنجی ماده حکمنی جالب اولان کیفیت معاوتلر نك دها شدید جزایی مستلزم بولنان قطاع طریقلق فاعلرینه سبب شدت طوتیله ر ق او بولنده تحدید مجازاتلرینه و بتون بتونه بی مدخل اکلاشیلانرک بوجهتن طولابی منع محاکمه و یا برائت ذمتلرینه قرار و یرلمک لازمدر حتی بالنفس قاتل و یا جارح و ضاربک وفات ایتش و یا حین دردستنده تلف ایدلمش و یا غفوشاها نه به مظهر اولش اولمی ملابسسه سیله دیکر رفیق لری حقدده طلب وقوعبولش ایسه مستنطقلر و هیئت اتهامیه لرحه تحقیقات یا بنامق مخالقات عظیمه قانونیه دندر

برده مانحن فیهمز اولان آدم اولدیرمک فعلنک
مطلقاً قطع طریق یولنده یعنی قطاع طریقی
جنایتی اجرا ایدر ایکن و یا قبل الاجرا و یا
بعدا لاجرا وقوعبولش اولسی شرطدر بناء علیه
ولو برقطاع طریق جمعیتی سرقت جبریہ یولنده
مثلاً دیوار دلهرک جرم ایشلرایکن آدم اولدیرمش
بولنور ایسه شوو فعلک اشبو فقره به دکل بلکه
یوز یتش دردنجی مادهنک ایکنجی فقره سنه تطبیق
ایدیلور کرچه فقره مذکورہ حکمی دخی طبقی جزایی
جالب ایسه ده حقوق جزائیہنک نظر یاتنجہ قطع
طریق یولنده آدم اولدیرمنک دیکرندن دها اخرجه
اولدیغی انکار اولنه مزظن ایدرم چونکہ بر جمعیتک
قطع طریق یولنده آدم اولدیرمسيله برو یا متعدد
کسانک قطاع طریقی یقلغک غیری بر صورتده جرم ایشلر
ایکن تلف نفسہ دخی متجاسر اولسی قیاس
ابدلکده کرچه عدل مطلق اقتضاسنجہ بینلرنده
فرق یوق ایسه ده آسایش عمومینک امر محافظه سی
نقطه سنندن باقنجہ برنجینک معناً زیادہ جه حائز
اهمیت اولدیغی میدانہ چیقار بونک ایچون قطع
طریق یولنده وقوعبولان اتلاف نفسی دیکر یله
تلویس ایتمکدن مباحثت لازمدر

فی ۳۱ قانون اول سنه ۳۰۱

ادرنه اورته کوی

مستنطقی

اقسرایده کائن اولانلر تکیه سی شیخی حسین
حسنی افندی به قتل قصدیلہ تشہیر سلاح ایدن
درویش احمد بن علینک ضبطنامہ سیدر

اوچیوز برسنه سی تشرین ثانیہنک اون برنجی جمعہ
کونی اقسرایده کائن اولانلر تکیه سی پوست نشینی
حسین حسنی افندی به قتل قصدیلہ تشہیر سلاح
ایتدیکی ادعا اولتمسندن طولایی مظنون علیه اولان
درویش احمد بن علینک جنایتلہ اتہامنہ دائر
هیئت اتہامیہ دن تنظیم اولسان فی ربیع الاول
سنه ۳۰۳ تاریخلی و ۴۰۴ نومرولی مضبطہ
ایله استیناف مدعی عمومیلکی مأموریت علیه سنندن
فی ۲۱ ربیع الاول سنه ۳۰۳ تاریخلی ۱۳۰۰
نومرولی اتہامنامہ سی اوراق مترعه سیلہ فی ۴
ربیع الاخر سنه ۳۰۳ تاریخندہ محکمہ جنایتہ
تودیع اولنغله بالمطالعہ اصول محاکمات جزائیہ
قانون موقنتک ایکوز قرق سکزنجی و ایکوز قرق
طقوزنجی ماده لری احکامنہ توفیقاً اوچیوز اوچ سنه سی
ربیع الاخرینک دردنجی جمعہ ايرتسی کونی متهم
مرقوم درویش احمد توفیقخانہ دن جلب
واستجواب اولنهرق مدافعاتندہ کندوسنه معاونت
ایتمک اوزره بروکیل انتخاب ایتسی تکلیف اولندقدہ
انتخاب ایده جک وکیل اولدیغی سونلسیلہ محکمہ
زندندہ بولسان دعوی وکیللرندن رجائی افندی
جانب محکمہ دن مرقومه وکیل تعیین اولنهرق قانون
مذکورک ادعای مفسوخیت حقندہ اولان ایکوز
اللی برنجی ماده سی مندرجاتی اخطار اولندیغی
مبین طوتیلان ضبط ورقه سی تحت امضایہ
الديرلدى

مفسوخیت ادعای ایچون معین اولان مدت قانونیہ منقضیہ
اولغین مرقومک اجرای محاکمہ سی اوچیوز
برسنه سی کانون ثانیسنک سکزنجی چهارشنبه
کونده قرارلشدیرلدى

یوم مذکورده ساعت اون راده لرنده مرقوم
درویش احمد قانون مزبورک ایکوز التمش
اوچنجی ماده سنه توفیقاً توفیقخانہ دن کتوردیلهرک
وکیل رجائی افندی معذرتنه مبنی کله میہ جکئی
یلدیرمسيله انک یرینه متهم مرقومک طلب
ومواقبتیلہ توکیل ایدیلان ومحکمہ زندندہ اولوب
اوراق دتوایی بالمطالعہ مدافعه به حاضر ایدوکئی
بیان ایدن دعوی وکیللرندن واسیلایکی افندی
یاندہ اولدیغی ومدعی شخصی شیخ حسین حسنی
افندی ایله مدعی عمومی معاونی جدی افندی
حاضر بولندقلری حالده محاکمہ علنیہ به بالابتدار
مرقوم استجواب اولندقدہ مناسترلی ویکرمی بش
یاشندہ اولوب قوسقه ده واقع عبد السلام
درکاهنده بیتوتت ایلدیکنی سونلسیلہ کندوسنه
ووکیل مومی الیہه قانون موقت مزبورک ایکوز
التمش دردنجی وایکیوز التمش بشنجی ماده لری
مدلولاتی بعد الاخطار هیئت اتہامیہ مضبطہ سیلہ
اتہامنامہ ضبط کاتبی عزمی بکه قرائت ایتدیرلدى
مضبطه مذکورہ نک مالی مظنون مرقوم درویش
احمد عداوت واقعہ سنه مبنی شیخ حسین حسنی
افندیک زندینہ عزیمتله انصیبکی دیهرک قتل
قصدیلہ حامل اولدیغی طبانجہ سنی انداخت
ایده جکی صرہ ده ید اختیارندہ اولمیان اسباب

مانعه حیلولتیلہ ماده قتل ایقاع ایده مدیکی معلوم
الاسامی کسانک علی الدرجات وقوعبولان
اخباراتیلہ تحقق ایتش و مرقومک شو حرکتی
قانون جزانک یوز سکساننجی ماده سنک علاوه سی
حکمی مستلزم افعال جنائیہ دن بولنش اولدیغندن
جنایتلہ اتہام اولندیغی واتہامنامہ نک نتیجہ مؤداسی
دخی مضبطه مذکورہ مندرجاتی وجهله مرقوم
احمدک متهم بولندیغی میندر

قانون مذکورک ایکوز التمش النجی ماده سنه
توفیقاً اتہامنامہ نک خلاصه سی جانب ریاستدن
متهم مرقومه تفہیم ومعاون مومی الیہ طرفندن دخی
اتہامنہ سببیت ویرن احوال بیان وتشریح
اولندقدن صکرہ مرقوم سو یلتدیرلکده وقعہ
کونی مومی الیہ شیخ حسین حسنی افندیک زندینہ
کتسی او یله ادعا اولندیغی وجهله برکونه سوء
افکاره مبتنی اولیوب انجق ايرتسی کونی
سلانیکہ عزیمت ایده جکندن کورشمک مقصدینہ
مبنی ایدوکئی وکتدیکی آندہ هیچ برشیدن خبر
ومعلوماتی اولقسرین شیخ افندی طرفندن در دست
ایتدیرلدیکی کبی بلندہ بولسان طبانجہ بی بروجہ
محررطیشارویہ کیده جکی جهتلہ اون درت غروشه
المش ایسه ده یوم مذکورده ذہنک مشغولیتندن
ناشی ذکر اولسان طبانجہ نک بلندہ بولندیغندن
دخی خبری اولدیغی وشیخ افندی نفسانیت
سابقہ ولاحقہ سی بولندیغی بالبیان مضبوط
افادہ سی دائرہ سنده انکار تہمت ایلدی ذہنک
مشغولیتنه سببیت ویرن حالنه ایدوکئی استیضاح
اولندقدہ ايرتسی کونی یولدیغی مقرر اولسی

بولنديغنى سو يىلدى دعوت واقعه اوزرينه ورود ايتش اولان مدعى شخصى حسين حسنى افندين جريان واقعه وادعاسى صورلدقده متهم مرقوم وقعه دن ايكي اوج كون اول دركاهه كهرك ايجرويه كيرمك ايتديكى حالده دركاهه اقامت ايتكمده بولنسان ادهم نامنده برمه اجر چوجفته تسلط ايتكمده اولمىندن و ذاتا مرقومك سوء حال وحر كتنن ناشى اكثرى تكيه لردن مطرود بولمىندن طولايى كندوسى دخى تكيه به قبول ايده ميه جكنى بالبيان دفع ايتديكى ووقعه كوونى سرخوش اولديغى حالده ينه كهرك كندوسنك تكيه ده اولوب اولديغى اوراده بولنانلردن صورمقده ايكن بالتصادف اوصره ده كندوسنك طيشارو چيقديغى كورمسيله يانته كهرك صوك دفعه اوله رق كورشمك املنده بولنديغندن بالبحث يانكيه دروننه ويا خود برقهوه خانه يه كتملر ينى تكليف ايله اليندن چكديكى و كندوسيده قبول ايتيه جكنى بيان ايله مرقومك كو كسندن ايتديكى و صوك دفعه اوله رق كوريشه لم سوزندن عارض اولان شبيهه اوزرينه برپوليس چاغرملر ينى اوراده حاضر بولنانلره اخطار ايلديكى صره ده مرقوم ال نصيبكى دهر ك والنى بلنه اوزاتهرق حامل اولديغى طبانجه سنى تشهير ايتك ايتديكى كورمسيله در حال الير ينى طومش واوراده حاضر بولنانلردن دخى استمداد ايدر ك مرقومى در دست ايتدير مش اولديغى بالبيان حقنده لازم كلان معامله قانويه نك اجر اسنى طلب ايلدى متهم مرقوم درو يش اجددن وقعه كوونى دركاهه كتيديكى وقت سرخوش اولوب اولديغى و تكيه ده اقامت ايتكمده بولنسان ادهم افكار فاسديه مبنى كورشمك ايتديكى حالده شيخ افندى طرفندن مخالفت اولمىندن ناشى حاصل اولان عداوت و نفسانيتى سابقه سيله فعل مذكوره جرأت ايلديكى اكلا شلقده اولديغندن ايشك طوغرى سنى سونللى اخطار اولندقده راقى ايجمك معتادى اولديغى جهته تكيه به كتيديكى كون سرخوش اولديغى وادهمله كورشمديكى افاده ايدر ك انكارنده اصرار ايلدى مدعى عمومى طرفندن و بريلوب قرائت اولنان پوصله ده اساميسى محرر على شوكت و كمال و جمال افنديلر وقوعبولان دعوت اوزرينه كلش اولدقلىردن قانون موقنك ايكيوز التمش سكرنجى ماده سنه توفيقاً بعد التخليف مفرداً و مواجهاً معلوماتلرى صورلدقده بولنلردن على شوكت افندى وقعه كوونى اقسرايده واقع اولنلر تكيه سى قارشوسنده كى قهوه خانه نك او كنده اوتورمقده ايكن بومتهم درو يش اجد كهرك شيخ افنديك تكيه ده اولوب اولديغى كندوسنه صورمقده ايكن اوصره ده شيخ افنديك بالتصادف حرم دائره سندن چيقديغى كورمسيله يانته كيدر ك بر مدت قونشمش ايسه ده نه قونش دقلىر ينى ايشيده مديكى واوراق مرقوم ال نصيبكى ديه باغره رق والنى بلنه اوزاتهرق حامل اولديغى طبانجه سنى تشهير ايتك ايتديكى و بلنده كى طبانجه نك نصفندن ز ياده سنك ميدانه چيقديغى كورمسيله در حال يتشديكى مثل و كمال و جمال و مظهر افنديلر دخى كهرك مرقومى در دست ايتديكى و طبانجه نك مملر ينك اوزرلرنده قايسول بولنديغى حالده تشكرى چكلمش اولان چيقته طبانجه مرقومك بلندن مظهر افندى طرفندن

النه رق كندوسى نظاميه قره غونخانه سنه تسليم اولنديغى و كمال و جمال افنديلر دخى بوزميينده افاده حال ايله طبانجه نك تشكرى چكلمش ايسه ده مملرى اوزرلرنده قايسول اولوب اولديغى بيلدكار ينى بيان و اخبار ايندليلر نامزاج اولديغى محله سى امامى طرفندن باعلم و خبر بيلدريلان مظهر افنديك مضبوط اولان افاده سى او قوتد يرلدقده مذكور اولنلر تكيه سى شيخى حسين حسنى افندى به تشهير سلاح ايند ير و يش اجدى در دست ايتديكى و مرقومك بلندن تشكرى چكلمش و مملرى اوزرلرنده قايسول بولمش اولان چيقته طبانجه ينى كندوسى الديغى سسونلش اولديغى اكلا شلغله شاهدر ك ذات و شهاتلرى عليه نه ديه جكى متهم مرقومدن صورلدقده قبول ايتيه جكنى بيان ايله اولكى افاده سننده اصرار ايلدى تحقيقا نك بولنن عبارت ايدوكى جانب رياستدن بيان اولندقده معاون مومى ايله جدى افندى متهم مرقوم درو يش اجدك مدعى شخصى حسين حسنى افندى به عداوت واقعه سنه مبنى قتل قصديه تشهير سلاح ايلديكى معلوم الاسامى اشخاصك مع القسم اخبارلر يله مرتبه ثبوته وارمش اولديغندن مجرميتنك تحت قراره النمسنى ومدافعه و كيبلى واسيلا كى افندى دخى موكللى متهم اجد ادعا اولنديغى و جمله برتصورى اولسه ايدى انى اجرا ايجون شيخ افندى ينى كورد يكي انده حامل اولديغى طبانجه سنى بال تشهير انداخت ايده جكى طبيعى اولوب يوخسه بويه اخبار اولنديغى مثل و كندوسيله كور يشه جكنندن بحثله

برمخلده اوتورملر ينى اوزون اوزادى به مومى اليه تكليف ايتلسمه باقيلورسه اوكونى شيخ افنديك يانته كتمسى حقيقه مومى اليه ايله كورشمك و طيشارويه كيده جكى جهته استحلال حقوق ايتك مقصدينه مبتنى ايدوكى و بولجىلغى مناسبيله بلنده بولنسان طبانجه ينى مومى اليه حسين حسنى افندى كورمسيله وهمندن ناشى در دست ايتدير ديكى اكلا شلقده اولديغندن موكلنك برائت ذمتنه قرار و برلسنى طلب وادعا ايتلر يله ولدى السؤال طرفينك بشقه برديه جكارى اولديغى اكلا شلغله محاكمه نك ختام بولديغى بيان اولنهرق مذاكره او طه سنه كندى

طرفينك ادعا ومدافعاتنك استماعندن وبالجمله اوراق تحقيقه نك بالاطراف مطالعه و تدقيقندن صكره ايجاب كيفيت لى المذاكره هر تقدر متهم مرقوم درو يش اجد انكار تهمت ايتكمده ووكيبلى طرفندن دخى بوجه محرر مدافعه اولتمقده ايسه ده وقعه كوونى مرقوم بالورود مدعى شخصى حسين حسنى افندى به كندوسيله صوك دفعه اوله رق كوريشه جكنى بيان ايدوب مومى اليك عدم موافقتى اوزرينه ال نصيبكى دهر ك والنى بلنه اوزاتهرق سلاحه طور انديغى حضور محكمه ده مع الحلف استماع اولنسان على شوكت و كمال و جمال افنديلر طرفلردن افاده و اخبار اولمىسنه و خسته لغى مناسبيله كليان مظهر افنديك مضبوط اولوب قرائت اولنان افاده سى دخى اخبارات واقعه ينى مؤيد بولمىسنه و دركاهه

اقامت ایتکده بولنان ادهم نام چوجغه تسلطندن
 طولای وقعه دن ایکی اوچ کون اول مرقومک
 تکیه دن قوغلدیغی مومی الیه حسین حسنی افندی
 طرفندن افاده اولنوب بوجهرتک دخی اوراق تحقیقه
 مندرجانیله تأید ایلسنه نظراً متهم مرقوم درویش
 احدک انکاری واهی و وکیل مومی الیهک مدافعاتی
 دخی غیر وارد اولوب بونک مدعی شخصی شیخ
 حسین حسنی افندی به حامل اولدیغی طبانجه سنی
 تشهر ایتک ایستدیکی حالدده در دست اولدیغی
 تحقیق ایتش اولمغله مجرم اولدیغنه متفقاً قرار ویر یلهرک
 اولباده تنظیم اولنان قرارنامه علناً قرائت اولندوقده
 معاون مومی الیه مجرمیتی قرار کیر اولان درویش
 احدک حرکت متینسه سی قانون جزانک بوز یتش
 طقوزنجی ماده سنک علاوه سنه موافق اولدیغندن
 اولوجهله تعیین مجازاتی و وکیل مومی الیه
 دخی تخفیف جزاسنی طلب ایتلر یله مذاکره اولطه سنه
 کلندی

جهت جزایه سی دخی لدی التذکر مرقوم درویش
 احدک سلاحه طورانسی تشهر درجه سنه
 اولوب شو حالدده حرکتی معاون مومی الیهک
 ادعاسی وجهله جزا قانوننامه همایونک بوز یتش
 طقوزنجی ماده سنک علاوه سنه موافق جنجه
 افعالندن اولدیغنه علاوه مذکورده قتل
 قصدیله اولیه رقی مجردا خافه ایچون برینه سلاح چکن
 گمنه برهفته دن التی آیه قدر حبس اولنور دیو
 محرر بولندیغنه مینی مرقومک مدعی شخصی

حسین حسنی افندی به تشهر ایتک ایستدیکی
 طبانجه سنک ملو بولنسی سبب شدت عدولنهرق
 ابتدای تاریخ توقیفی اولان اوچبوز برسنه سی
 تشرین نایسنک اون برنجی کوندن اعتباراً درت
 ماه مدته حبس اولنسنه ومفرداتی پوصله سنه
 کوستریله جکی وجهله ضبط واعلام واستنطاق
 خرجلری اولان ایکبوز او توز غروشک دخی
 مرقومدن تحصیلیه عدلیه وزنه سنه تسلیم
 ایتدیرلسنه اوچبوز اوچ سنه سی ربیع الاخرینک
 اون بشنجی اوچبوز برسنه سی کانون نایسنک
 سکرنجی کونی بالاتفاق قرار ویر یلهرک قانون
 موقتک ارئه و تعریف ایلدیکی وجهله اصول
 تفهیمی اجرا ومعاملات سائره ایفاقلدی

فی ۱۳ کانون ثانی سنه ۳۰۱

لسقویک قضاسنه تابع رادان قریه لی زکر یا محمدک
 کیفیت قتلندن طولای مظنون علیه اولوب الیوم
 لسقویک توقیفخانه سنده موقوف بولنان یوسف پهلولک
 محاکمه ضبطنامه سیدر

لسقویک قضاسنه تابع رادان قریه لی زکر یا محمدک
 کیفیت قتلندن طولای مظنون علیه اولوب الیوم
 لسقویک توقیفخانه سنده موقوف بولنان قریه

مزبورلی یوسف پهلولک جنایتله اتهام اولندیغنه
 دائر یانیه هیئت اتهامیه سنندن فی ۲۸ شباط
 سنه ۳۰۰ تاریخی و ایکبوز او توز بش نومرولی
 تنظیم قلمسان مضبطه و اوراق متفرعه سی مدعی
 عمومی مساونک اتهامنامه سیله برابر مرکز لوا
 اولان لسقویک بدایت محکمه سی جنایت قسمته
 تودیع واعطا قلمغله مطالعه اولندی
 مضبطه مذکورهنک خلاصه مفادی مقتول مرقوم
 زکر یا قتلک واقع اولدیغی اوچبوز سنه رومیه سی
 تشرین نایسنک یکر می بشنجی کونده ایکی اوچ
 کون اول شدتله نزول ایدن بارانک سیل صورلینی
 تحت زراعته کی ترانک خندوقنه وضع ایتکده
 اولدیغی حالدده کویلوسی یوسف پهلول مذکور
 صورلی کندی ترلاسندن کچورمک مراد ایتدیکنندن
 طولای بینلرنجه تحدث ایدن منازعه اثناسنده
 مرقوم یوسف پهلول حامل اولدیغی تیمور کورکی
 ایله مرقوم زکر یانک اوزرینه هجوم ایدرک صول
 قاشندن ضرب و جرح ایله اوچ درت کون
 هرورنده متأثراً وفات ایلدیکی و مرقوم یوسفک
 طوبره سیله کبه و فسی مقتلده و منازعه اثناسنده
 مقتول مرقوم طرفندن الیقونیلوب خانه سنه
 کتورلمش اولسیله الیوم مقتولک خانه سنده
 بولندیغی زوجه سی جانبندن خبر ویرلمش و عند
 الاستنطاق مدخل و معلوماتنی هر نقدر منکر
 بولنمش ایسه ده اشیای مذکوره کیمک مالی اولدیغی
 مظنون مرقومدن لدی السؤال کندوسنک مالی
 اولوب خانه سنده اولدیغی سویلدیکی حالدده اشیای
 مزبوره مقتولک خانه سنده بولنسنه و ایستدیکی

برکوردینک تحقیقنه چیقان ادم چاوش مرقوم
 یوسفی ترلادن فرار ایدر ایکن یولده بالتصادف
 شماتنک سببنی صوردیغنده مرقوم زکر یا ایله
 منازعه لری سبقت ایتدیکنده دائر اقراری وقوع بولسی
 دلائلنه نظراً مزبور زکر یانک قتلنه سبب مستقل
 اولدیغی موقع ثبوته وارمش وقانون جزانک یوز
 یتش درنجی ماده سنک فقره اولسنه توفیقاً
 جنایتله اتهام اولدیغی مبین اولدیغی کی مدعی
 عمومی اتهامنامه سی مندرجاتی دخی اولوجهله
 جنایتله اتهامی متضمن بولنمشدر
 بو باده اولان اوراق محکمه یه ورود ایتکله مدت
 قانونیه ظرفنده متهم یوسف پهلول جلب ایله
 اولباده طویلان ضبط ورقه سی مؤداسندن دخی
 مستفاد اوله جنغی وجهله بعد الاستجواب اصول
 محاکمات جزایه قانونک ایکبوز قرق طقوزنجی
 ماده سی موجبجه مدافعه سنده معاونت ایتک
 اوزره وکیل انتخاب ایده جک کسه سی اولدیغی
 سویلسیله حیدر افندی محکمه جانبندن توکیل
 ایدلکده نکره هیئت اتهامیه نک مذکور مضبطه سی
 علیهنه مفسوخیت ادعاسی ایتکده کندوسنی حقی
 عد ایدر ایسه بش کوندن صکره ادعا ایتدیکی
 حالدده مسموع اولیه جنغی ایکبوز الی برنجی ماده
 ایجابندن اولدیغی دخی تفهیم ایدیلهرک اجرای
 محاکمه لیچون اوچبوز برسنه سی نایسنک التنجی
 جمعه ایرتسی کونی تعیین ایدلمش و مدعی عمومی
 معاونلکنده دخی بیلدیرلمشدر

فی ۲۰ مارت سنه ۳۰۱

ایکینچی محاکمه

وقانونه لازم اولان رعایتک خلافتده برشی سولیبوب کمال ادب و اعتدال ایله ایفای وظیفه و بیان حال ایدلسنی ایکوز التمش دردنجی ماده ایچانجه اخطار ایدرم) دیدی و متهم یوسف دخی اوقونه جق اوراقه دقت ایتمسنی بالا فاده هیئت اتهامیه مضبطه سیله مدعی عمومی اتهامنامه سنک جهراً اوقونسنی ضبط کانبه بیان ایدنی ضبط کاتبی طرفندن بعد القرائه رئیس محکمه مذکور مضبطه و اتهامنامه تک مندرجاتنی متهمه شفاهاً و خلاصه تفهیم ایتدیروب (سن رادان قریه لی زکریا محمدک قتلنه مجاسرت ایش سن دیورلر و بونیده باق نصل اثبات ایده یورلر علیهنه در میان اولنه جق شیر شمدی سکا اکلادیله جقدر دهرک متهمک اتهامه و تحت محاکمه یه التمسنه سبب اولان ماده تک تشریح ایدلسنی مدعی عمومی معاونی مقامه قاعد اولان کمال بکه سویلدی بونک اوزرینه موچی ایله کمال بک ابراد کلامه ایتدار ایله هیئت اتهامیه مضبطه سنده متهمک اسباب اتهامی اولان احوالی تشریحاً صورت افاده سنده مرور ایدن اوچبوز سنه سی شهر تشرین ثانیسنک یکریمی بشنجی کونی لسقویک قضاسنه تابع رادان قریه لی زکریا محمد و قوعا ایدن اوچ کون اول نزول ایدن بارانک سیل صورلینی کندو ترلاسندن پکور مکده ایکن قریه مز بوره لی یوسف بهلول کیدوب ییلرنجه تحدرت ایدن منازعه لرلی اثناسنده مرقوم یوسف بهلول حامل اولدیغی تیمور کورکنی مرقوم زکریانک باشنه صالدره رق جرح و قتل ایله متأثراً و قات ایش واسباب مفصله سی هیئت اتهامیه مضبطه سنده

یوم مذکورده لوا بدایت محکمه سی جزا داتر سنی تشکیل ایدن رئیس عثمان توفیق افندی و اعضا دانیال بک و قسطنطین افندی ایله حقوق داه سنندن جلب اولنان اعضا هاشم بک و نیکوله دووه افندی حاضر اولدق لرلی و مدعی عمومی معاونی کامل افندیکن معذرت مشروحه سنه بناء بو وظیفه یی ایفا ایچون جانب ریاستدن تعیین اولنان اعضا ملازمی احمد کمال بک ایله ضبط کاتبی مصطفی افندی موجود بولندق لرلی حالده اولجه جلب اولنان ورثه دن مقتولک زوجیه سی زردالی بنت اسماعیل و اون یدی یاشلرنده کریمه سی سلطانه بنت یوسف دیو انخانه دن و متهم مقید اولیه رق توقیفخانه دن جلبیله علی الاصول محکمه حضور یه کتور یله رک و وکیل مدافع حیدر افندی دخی یاننده بولندیر یله رق برلینه اقعاد ایتدی رلدی رئیس محاکمه یه مبادرت اولتسنی بالتنبیه متعاقباً سماعین محکمه یه ادخال ایله بوجه آتی محاکمه علنیه اجراسنه مباشرت قلندی متهم ارنبودجه متکلم اولدیغندن اوتوز یاشنده ابراهیم افندی بالتخلیف ترجان تعیین اولنه رق اسم و شهرت و سن و صنعت و محل اقامتی سؤال ایتدی رلدی متهم اسمی یوسف پدرینک اسمی بهلول اوتوز بش یاشنده چقچیی و محل ولادت و اقامتی لسقویک قضاسنه تابع رادان قریه سی اولدیغنی جواباً ترجانی واسطه سیله بیان ایلدی بوندن صکره رئیس محکمه مدافعه و کیلی حیدر افندی یه توجه ایدرک) وکیل افندی وجدانکوزک

کوسترلیدیکی وجهله مرقوم یوسف قوشه رقدن خانه سنه طوغری کیدر ایکن لسقویک ضبطیه چاوشلرندن ادم بک در دستله مقتول زکریا ایله معارضه و منازعه لرلی و قوعبولدیغنی متهم مرقوم موچی ایله چاوشه اقرار ایش و مرقوم یوسفک زکریا یه تیمور کورکله اوردیغنی مقتولک زوجیه سی زرده لی ایله کریمه سی سلطانه نام خاتونلر پنچره دن کورمش اولدق لرندن و آلت جرح دینلان مذکور تیمور کورکله مرقوم یوسفک لابس اولدیغنی کبه و طوبره و فسی قان ایله الوده اولوب عندالاستجواب بوشیلر کندی خانه سننده بولندیغنی سولیسنه قارشو مقتولک خانه سننده ظهور ایش اولسی کبی امارات متعدده فعل قتلده مدخلنی اثباته درجه کفایه ده کورندیکندن و بورالرینی چاوش مرقوم آدم بک دخی تأیید ایتکده بولندیغنی کبی طبییک راپور طیله ده مثبت بولندیغندن اقامه ایده جکی شاهدک استماعنی طلب ایدرک اولبایده برقطعه اسامی پوصله سی ابراز ایلدی ضبط کاتبی طرفندن جهراً قرائت اولندقدنه متسنده لسقویک ضبطیه چاوشلرندن قولونیه قضاسنه تابع یوده لی اللی یاشنده ادم بن امینک اسمی محرر ایدوکی کورلدی شاهد مرقومه مقدا جلب مذکره سی کوندرلسیله ورود ایش و اولجه تخصیص ایدیلان اوطیه کتورلسی رئیس محکمه طرفندن امر ویرلشدر ایشک نصل اولدیغنی بادی امرده متهم یوسفدن ترجانی واسطه سیله لدی السؤال فعل قتلده مدخل و معلوماننی و مقتولله

ییلرنده برکونه معارضه و قوعنی کلیاً و مصرراً انکار ایلدی بونک اوزرینه شاهد ادم چاوش حضور محکمه یه کتورلدی اول اسم و شهرت و سن و صنعت و محل اقامتی سؤال اولنمغله برابر جرمک و قوعندن اول متهم و مقتولی طانیوب طانییدیغنی استفسار اولندقدنه مذکور پوصله ده محرر اولدیغنی وجهله اسم و شهرتی بیان ایله متهم و مقتولی اولجه طانییدیغنی و ایکوز تیش اوچنجی ماده ده تعیین قلندیغنی اوزره شهادتک استماعنه مانع احد طرفینه قرابتی بولندیغنی سویلدکدن و برکونه خوف و خشیت و غرض و خصوصته مینی و ارتق اکسک اولیه رق حقیقت حالی بیان ایدجکرینه دائر تخلیفی اجرا اولندقدن صکره استماع ایدلکده مرقوم ادم چاوش لسقویک محکمه سی استنطاق دائره سنجه ضبط اولنان افاده سی وجهله تقریر ایدرک برکوناً ناقص و قوعبولیبوب فقط مابعدی وار

(محکمه تمیز حقوق دائره سی)

برارضینک کشنی ضمنده محله هیئت کشقیه اعزانه دائر بدایه ویریلان قرار اعدادی اولسنندن ناشی قابل استیناف دکلد

(خلاصه اعلام)

اشودی ناحیه سنده کائن یلیجه وچو کسزلر و یالکز سکوت و سائر معلوم الاسامی چقملکات اهالیسیله

طرفندن مدت تمیزیه نك مرورینه وكفالتنامه نك
 یولسزلغنه دائر سرد اولنان اعتراضك تدقیقنه
 لدی الابتدار وکیل مومی الیه جانندن بوباده
 برکونه تبلیغ علم وخبری ابراز اولنه مدیغندن ذکر
 اولنان تمیز استداسنك مدتی ظرفنده اعطا
 قلندیغنی وكفالتنامه ده دخی مدعی علیهمادن هر
 ایکیسنك ضرر وزیانی تعهد اولندیغنی کورلسندن
 ناشی مذکور كفالتنامه نك یولنده تنظیم ایدلدیکی
 اكلاشلسیله اعتراضات واقعه غیر وارد کورینه نك
 رد ایدلدکدن صکره اساس مصلحتك تدقیقنه
 کریشلدکده سیواس استیناف محکمه سی اعلامنك
 نتیجه مفادی منازع فیها اولان اراضی مذکورنه نك
 عثمان بك وشریکنك تحت تصرفلنده اولدیغنك
 تحققنه مبنی اهالی مرقومه جانندن ذکر اولنان
 اراضی به وقوعبولان مداخله نك منعه حکم
 وقرار ویرلدیکندن عبارت ايسه ده اشبو حکم
 استینافی علیهنه مستدعی وکیلی اساسیان افندی
 بالاده حکایه اولندیغنی اوزره سرد اعتراض ایله
 اعلام مذکورك نقضی طلبنده اولوب واقعا
 مندرجات اعلامدن منقهم اولدیغنی اوزره اراضی
 مذکورنه نك کشنی ضمنده محلنه هیئت کشفیه
 اعزامنه دائر بدایه ویریلان قرار علیهنده مومی
 الیهما عثمان بك و یعقوب اغا طرفندن سیواس
 استیناف محکمه سنده اقامه ایدیلان استیناف
 دعواسنك اجرا قلنان محاکمه سی اثناسنده
 اهالی مرقومه وکیلی جانندن درجه اولاجه
 لاحق اولان حکم وقرار اراضی مذکورنه نك

اسماعیل بك زاده عثمان بك وایك زاده یعقوب اغا
 بیننده تحدث ایدن اراضی دعواسندن طولانی
 چفتلكات مذکوریه برهیئت کشفیه اعزامنه دائر
 سیواس بدایت محکمه سندن ویریلان اعلامه
 مومی الیهما عثمان بك و یعقوب اغا طرفندن عدم
 قناعتله سیواس استیناف محکمه سنده مراجعت
 واعلام مذکورك استینافاً تدقیقی طلب واستدما
 قلتمش واجرا قلنان محاکمه استینافیه اثناسنده
 مستأنف علیهم اولان اهالی مرقومه وکیلی
 سفریان قره بت افندی قرار ابتدائینك قابل استیناف
 اولدیغندن بمحلله محاکمه دن امتناع ایش ايسه ده
 اولاباده محکمه مذکورجه سبق ایدن تدقیقات
 عیاییه نتیجه سنده اراضی منازع فیهانك کشفنه
 لزوم اولدیغنی بیانیله قرار ابتدائینك فسخنه
 وراضی مذکوریه مومی الیهما عثمان بك ایله
 یعقوب اغانك متصرف اولدقلری اولاباده ابراز
 اولنان فرمان عالی وصورت دفتر خاقانی ویدی
 قطعه طاپوسنداتی ایله ثابت اولسنه بناء اهالی
 مرقومه نك منع مداخله سنه حکم وقرار ویرلسی
 اوزرینه وقوعبولان مراجعتنه مبنی تعلق جهتیله
 باش مدعی عمومیلک معاونلرندن عزتلو بورغای
 افندی لدی الاستماع و طرفین بالاستجواب محکمه تمیز
 حقوق دائره سی اسباب آتیه یه مبنی اولاباده
 صدور ایدن اعلامی نقض ایشدر

(فقره حکیمه)

ایجابی لدی المذاکره مدعی علیهما وکیلی آگاه افندی

(محکمه تمیز جزا دائره سی)

برفعلك ادعا اولندیغنی وجهله جنایت اولیوب
 جنحه اولدیغنی حقنده هیئت اتهامیه جه اتخاذ
 اولنان قراره محکمه جه توفیق حکم ایدلك مجبوریت
 تحتنده بولندیغندن مذکور قرار قطعی عد
 اولنه میوب قابل تمیز دکلد

(خلاصه اعلام)

درسعادت هیئت اتهامیه سندن اعطا قلنان فی
 ۱۳ رجب سنه ۳۰۲ وفی ۱۶ نیسان سنه ۳۰۱
 تاریخی وقرق اوچ نومرولی مضبطه نك فسخی
 محکمه مذکور مدعی عمومیلکی جانب والاسندن
 مدت قانونیه سی ظرفنده استدعا ولایحه اعتراضیه
 دخی اعطا قلتمش اولدیغنی جهتنه مضبطه مذکور
 ایله اوراق متقرعه سی باش مدعی عمومیلک مأوریت
 علیه سندن فی ۱۱ شعبان سنه ۳۰۲ وفی ۱۴
 مایس سنه ۳۰۱ تاریخی و اوچبوز اوتوز بر
 نومرولی تبلیغنامه ایله محکمه تمیز جزا دائره سنه
 اعطا قلتمش ومذکور مضبطه نك خلاصه مآلی
 اطه کبیره ساکن یتیم بش باشنده علیکسی بی
 ضرب ایله وفاتنه سببیت ویرمسندن طولانی
 مظنون علیه اولان دومانیقو اوغلی یکریمی درت
 یاشنده اندر یقونك حرکتی قانون جزانك بوز یتیم
 یدنجی ماده سی علاوه سنه موافق اولیوب بوز
 سکسان ایکنجی ماده حکمنی مستلزم جنحه
 درجه سنده کورندیکندن مستنطق قرار نامه سنك
 فسخیله مرقومك عائدا اولدیغنی بدایت جزا محکمه سنده
 اجرای محاکمه سی لزومنه اکثریتله قرار ویرلدیکنی

اولماسيله بناءً عليه مذکور هیئت اتهامیه مضبوطه سی حکم قطعی بی حاوی اولدیغندن و قطعیت کسب ایتیان بوقوله حکم و قرار لک تمیزینه مساع قانونی بولمدیغندن ذکر اولنان تمیز استدعاسنک ردیه اوراق مرقومه نك طاقیه محله اعاده سنه اکثریت آرا ایله قرار ویرلدی

اعلان

بک اوغلنده حکیم بغچه سنده جرح و قتل اولنان ارنی خاتونک کیفیت قتلندن طولابی مظنون علیه اولان اورته بویلی طقنازجه اسمر چهره لی قرال بقلی اوک دیشی یوق چیچک بوزوغی ضبوطه دن مخرج اولوب حریق طلومبه جیلغی ایدن یکرمی بش یاشنده ملاطیه لی کرد خلیل فرار ایتسندن و حقه نده اجرا اولنان تحقیقات اوزرینه هیئت اتهامیه دن اتهامیه قرار ویرلمکدن ناشی اصول محاکمات جزائییه قانون موقتک اوچبوز یتش برنجی ماده سی موجبجه حقه نده معامله مقتضیه اجرا و محاکمه غیایه سی ایفا اولنهرق مرقوم خلیلک قانون جزانک بوز یتش درنجی ماده سنک ققره اولیسی حکمه توفیقاً اون بش سنه مدله کورکه قونسنه محکمه جنایتدن غیاباً حکم اولمش و اصول محاکمه مذکوره نك اوچبوز یتش برنجی و اوچبوز یتش سکرنجی و اوچبوز سکان برنجی ماده رله

بیاندن عبارت بولمش و ذکر اولنان لایحه اعتراضیه مندرجاتی دخی مظنون علیه اندر یقو مرقوم علیکسی ایله قارشو قارشو به کلوب چار پمسیله دوشوب قالجیه سی قیرلدیغنی اقرار و اعتراف ایش و خجبه خرستو و استاورو و اندر یقونک ایله علیکسنک کوکسنه اوروب یره دوشوردیکی اثاده علیکسنک قالجیه سی قیرلدیغنی افاده ایش اولمیرینه و تشریح راپورطی دخی بوضورنی مؤید بولمسنه نظراً و علیکسی مظنون علیک تعدیسی اثریله وفات ایلدیکی اکلاشلیش ایکن قانون مذکورک بوز یتش برنجی ماده سی علاوه سی حکمی مستلزم جنایت مذکوره نك بوز سکان ایکنجی ماده یه توفیقیله جنحه درجه سنده اولدیغنه قرار ویرلمی مغایر قانون بولمغله مضبوطه مذکوره نك فسحنی استدعاسنی حاوی و تبلیغنامه مفادی ایسه اعتراضات مذکوره تقدیر و قوعات دائره سنده قاهره رؤیت محاکمه یه مأمور اولان محکمه نك وجدانه محول بولمش ایدوکنندن مذکور تمیز استدعاسنک ردی طلبنی محتوی اولمغله محکمه تمیز جزا دائره سی اسباب آتیه یه مبنی فی ۲۶ محرم سنه ۳۰۳ و فی ۲۳ تشرین اول سنه ۳۰۱ تاریخ و ۷۶۲ نومرولی اعلامیه مذکور استدعایی رد ایتشدر

(ققره حکمییه)


اوراق ساره دخی قرآتله تدقیقات تمیزیه یه ایتدار اولندی بو بابده محاکمه بی اجرا ایده جک اولان محکمه ایشک هرجه تنی تقدیر ایتکده و حکمنده مختار اولوب هیئت اتهامیه قرارینه توفیق حکمه مجبور

مواد ساره سنک احکامنه توفیقاً معامله اجرایی مرجع لرینه بیلدیرلش اولمغله اعلان کیفیتیه ایتدار قلندی فی ۲۸ ربیع الاخر سنه ۳۰۳ و فی ۲۱ کانون ثانی سنه ۳۰۱



آیدین ولایتی داخلنده بولنان قوچتین مملحه سی حاصلاتندن بشیموز التي بیک کیلو طوزک ابراز و اعطا ایده جک اولان آدمزه تسلیم قلمسی امرینی محتوی بری ایکبوز التي بیک کیلوق فی ۴ تموز سنه ۳۰۱ تاریخ و التمش اوچ نومرولی و دیگری اوچبوز بیک کیلوق مذکور تاریخ و التمش ایکی نومرولی قوچتین مدیر یتنه خطاباً دیون عمومیه عثمانیه واردات مخصوصه سی نظارت عمومیه سی طرفندن یدیمزه اعطا اولمش اولان ظرفلری غیر مهور ایکی قطعه تحریرات مخصوصه نسخه اولیه لری ازیرده آدمزه واصل اولمق ایچون پوسته یه تودیع ایتش اولدیغمز حاده پوسته ضایع اولمی اوزرینه نظارت مشار الیه دن تحریرات مذکوره نسخه ثانیه لرینی استحصال ایدوب حاوی اولدقلری مارالذکر بشیموز التي بیک کیلو طوزی اخذ و تسلیم ایتش اولدیغمز کی اجرا ایدیلان تحریرات بسبتون نمره سنر قاهره ضایع اولان اوراق مذکوره شمیدی به دکن برطرفندن ظهور ایتماش اولدیغی جهت لره مار البیان تاریخ و نومرولی و مذکور المقدار کیلوی حاوی ایکی قطعه تحریرات مخصوصه

نسخه اولیه لری بطلال و کاشن لریکن حکمنده ایدوی خصوصنک اعلانه ایتدار قلندی فی ۱۳ کانون اول سنه ۳۰۱ غلطه ده مقیم یماند اوغلی برادر لر



تبعه دولت علیه دن و در سعادت سکنه سنندن صرف شیشمان اوغلی سعادتلو یوانی افندی حضر ترینک فی ۲ کانون ثانی سنه ۳۰۱ تاریخی استدعاسنده مومی الیه ک مهری برارالق سرقت اولنهرق علیه نده استعمال ایله انواع سندات و اوراق تمهیر اولندیغی و مهر و امضاسنک دخی تقلید قلندیغی شیوع بولمش ایدوکنندن کندوسنک امضاسنی و یاخود (یوانی شیشمان اوغلی) مهر بی حاوی اولهرق و عدله و وعده سنر و وعده لری منقضی اولمش و یاخود هنوز منقضی اولماش عادی و یا رسمی هر نه کونا سندات و اوراق وار ایسه و هر کیمک یدنده هر نه جهتدن طولابی بولنور ایسه اشبو اعلان تاریخندن اعتباراً قرق برکون ظرفنده غلطه ده تونل قر بنده مرتبانی زقاغنده کاشن مومی الیه شیشمان اوغلی یوانی افندینک یکرمی بر نومرولی مغازه سنه کتور یلهرک تحقیق و حقیقه کندوسی طرفندن امضا و یا تمهیر اولندیغی تقدیرده اوزر لرینه امضاسنک وضعیله تصدیق و وعده لری حلول ایدنرک بدلی اخذ و استیفا


سهم اعتبار یله متصرف اولدیغی یکریمی سهم
حصه شایعه سی بالمزایده بشیک یوز غروش
بدل ایله طالبی عهده سنده تقرر ایلدیکندن تاریخ
اعلان اعتباراً اوتوز برکون طرفنده بدل مذکور
اوزرینه یوزده بش ضمیمه طالب اولنلرک بک
اوغلی بدایت محکمه سی اجرا مأمور یقنه مراجعت
ایلیری اعلان اولنور

فی ۲۱ کانون ثانی سنه ۳۰۱



بقال ماقسموسک بقال یوان ذمتنده محکوم به
الاجغی اولان مبالغدن طولانی مدیون مرقومک
جزایدیلان اشیای بقالیه سی شهر حال رومینک
یکرمی یدنجی بازار ایرتسی کونی ساعت التی
راده لرنده اسکدارده یکی محله جاده سنده تعیین
قلنان مأموری معرفتیه مزایده و فروخت
اولنه جغندن طالب اولنلرک یوم و وقت معینده
محل مذکوره عزیزتله مأمورینه مراجعت ایلیری
اعلان اولنور

فی ۲۳ کانون ثانی سنه ۳۰۱



اولنسی ومدت مذکوره طرفنده ابراز ایله بروجه
مشروح تصدیق ایتدیرلیمان هرکونه اوراق
وسندات حقنده مومی الیه شیشمانف اوغلی یوانی
افندی طرفندن هرکیمک علیهنده درمیان اولنه جق
ساخته لک و حکمسزلک اعتراضاتی مجرد اشبو
اعلان ودعوته عدم اجابت نتیجه سی اولمق اوزره
سائر بوکونه اثبات و بینه اقامه سنه حاجت
قالقسزین بحق مقبول اوله جغی و برده شایعات
مذکوره دن ناشی عارض اولان شبهه یه مینی مومی
الیه شیشمان اوغلی یوانی افندی اسکمی مهرینی
ابطال ایله فی ۲۹ کانون اول سنه ۱۳۰۱
تاریخندن اعتباراً جدید برمهراستعمال ایده جکندن
تاریخ مذکور دن مؤخر بر تاریخ ایله مورخ اوله رق
اسکی مهر یله مهور بولنه جق هرکونه سندات
واوراق هرکیمک یدنده ظهور ایده جک اولور ایسه
کآن لمیکن حکمنده طوتیله جغی خصوصلرینک
اعلانی طلب اولنمش اولغله کیفیت معلوم اولمق
اوزره بک اوغلی بدایت محکمه سی برنجی حقوق
دائرة سنک قراری ایله اعلان اولنور

فی ۱۷ کانون ثانی سنه ۳۰۱



مصطفی اغانک $\frac{۲۰۱}{۱۸۸}$ نومرولی اعلام موجبجه
کیغورقه دینی اولان مبالغ معلومه نکتس و به سی
ضممنده فیروز اغان محله سنده اغان جامی جاده سنده
طهوز نومرولی بر باب بورجکی فرونده یوز یکریمی